



## Ilisimatitsissut Notat

Uunga Ilaqutariinnermut – Peqqissutsimullu Ataatsimiititaliaq  
Til Inatsisartut  
/Maani

03-05-2017  
Sags nr.  
Dok. nr. 5313474

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: [inin@nanoq.gl](mailto:inin@nanoq.gl)  
[www.naalakkersuisut.gl](http://www.naalakkersuisut.gl)

### **Nipangiussisimasussaataaneq paasissutissanillu isertuussanik ingerlatitseqqisarneq.**

Kalaallit Nunaanni pinerluttulerinermi inatsisini nalinginnaasuni (kriminalloven), aamma Pisortat ingerlatsineranni suliassat suliarineqartarnerat pillugu Inatsisartut inatsisaat (sagsbehandlingsloven) kiisalu Inunnik paasissutissanik suliarinnittarneq pillugu inatsimmi nipangiussisimasussaataanermt paasissutissanillu isertuussanik ingerlatitseqqittarnermt nalinginnaasumik maleruagassat malillugit kikkulluunniit pisortaqaarfinit suliaqartinneqartut nipangiusimasussaataapput. Nipangiussisimasussaataaneq atuuppoq suliani inunntu ataasiakkaanut tunngasuni kiisalu paasissutissani isertuussani, pisortaqaarfinni suliffik aqutigalugu ilisimasaqarfigilersimasani.

Nipangiussisimasussaataanermt maleruagassat Pisortat ingerlatsineranni suliassat suliarineqartarnerat pillugu Inatsisartut inatsisaanni § 27-mi malittarisassiunneqarput. Tassani aalajangersarneqarpoq pisortaqaarfinni sulisut suliani isertuussaasuni meeqqanut, inuusuttunut ilaqutariinnullu tunngasuni suliffik aqutigalugu ilisimasaqalersimasut nipangiussisimasussaataaasut. Nipangiussisimasussaataanermt maleruagassat, innuttaasut inuttut namminneq atugarisaat pillugit ilisimasat illersorneqarnissaannik siunertaqarpoq, taamaattorli aamma qulakkeerniarneqarpoq paasissutissaanut isertuussaasunut, taamaallaat sulianut ataasiakkaanut sammisaqartut akornanni paasissutissanik paarlaasseqatigiittoqarsinnaasoq, tamanna suliamut pingaaruteqarpat tunngavissaqarpallu.

Nipangiussisimasussaataaneq unioqquattissimappat pinerluttulerinermut inatsit § 50 tunngavigalugu kinguneqartitsisoqassaaq, tassani innuttaasup nipangiussisimasussaati-  
taasup unioqquattissimasullu pillaatissinneqarnissaanik periarfissiisoqarmat.

### **Paasissutissanik isertuussanik ingerlatitseqqiineq.**

Paasissutissat suut isertuussaappat?

Pisortat ingerlatsineranni suliassat suliarineqartarnerat pillugu Inatsisartut inatsisaat § 28 imm. 1 tunngavigalugu allassimavoq paasissutissat naggueqatigiinnut sunut ilaaner-mut tunngasut, ammip qalipaataanut tunngasut, upperisarsiornermut, politikkimut, peqatigiiffinnut tunngassuteqartut, suaassutsimut kiisalu pinerlunnermut tunngasut paa-sissutissallu peqqissutsimut, inuttut ajornartorsiutit, nuannaarniutinik atornerluinernut assigisaannullu tunngasut. Tassalu tunngaviatigut paasissutissat isertuussaasut inun-nut ataasiakkaanut pisortallu suliffeqarfiinut ingerlateqqeqqusaanngillat. Inuit ataasiak-kaat ilaqautasinnaapput ikinngutaallutilluunniit. Pisortat suliffeqarfii tassaasinnaapput atuarfik imaluunniit ulluunerani paaqqinnittarfik.

Taamaattoq paasissutissanik ingerlatitseqqissinnaaneq pillugu immikkut aalajanger-sakkat Pisortat ingerlatsineranni suliassat suliarineqartarnerat pillugu Inatsisaanni § 28 imm. 1-mi marluusut takuneqarsinnaapput. Pisortat ingerlatsineranni suliassat suliar-ineqartarnerat pillugu Inatsimmi § 28 imm. 2-mi aamma Inunnik paasissutissanik sulia-rinnittarnej pillugu inatsimmi § 8 imm. 3 nanineqarsinnaapput.

Pisortat ingerlatsineranni suliassat suliarineqartarnerat pillugu Inatsimmi § 28 imm. 2-mi allassimavoq paasissutissanik isertuussanik ingerlatitseqqiineq pisinnaasoq *"inatsisikkut aalajangersakkakulluunniit inatsit tunngavigalugu paasissutissat ingerlateqqinneqar-tussaappata"* imaluunniit *"paasissutissamut aalajangersimasumut inuk pineqartoq, in-gerlatitseqqiisoqarsinnaaneranut akuersisimappat"*.

Pisortat ingerlatsineranni suliassat suliarineqartarnerat pillugu inatsimmi § 28 imm. 2 nr. 4 mi, aamma Inunnik paasissutissanik suliarinnittarnej pillugu inatsimmi § 8 imm. 3-mi allassimavoq paasissutissat isertuussaasut ingerlateqqinneqarsinnaasut, inuit ataasiak-kaat pisortaqarfiulluunniit soqutigisaat tunngavigalugit paasissutissanik qajassuussineq kingunerluuteqarsinnaappat. Aalajangersagaq taanna taaneqartarpoq *"naleqartitanik qaangiinermik aalajangersagaq"*, aalajangersagarlu taanna tunngavigalugu ingerlatit-seqqiineq pisinnaavoq, isumaginninnikkut pisortat, meeqqanik inuusuttunulluunniit innar-liisoqarneranik pasitsaassisoqarsimatillugu.

#### **Nalunaaruteqarnissamut pisussaaffik sakkortunerusoq**

Meeqqat tapersorsorneqarnissaannut Inatsisartut inatsisissaattut siunnersuummi § 16-mi tunngavilerneqarput paasissutissat isertuussaasut ingerlateqqinneqartarnissaat, *nalunaaruteqarnissamut pisussaaffik sakkortunerusoq* aallaavigalugu.

Nalunaaruteqarnissamut pisussaaffik sakkortunerusoq nipangiussisimasussaataitaner-mit siullunneqassaaq. Ima paasillugu, kinaluunniit sulisoq pisussaavoq isumaginnin-nermut aqutsisoqarfirmut § 16 tunngavigalugu nalunaaruteqassalluni, inatsisikkulluun-niit nipangiussisimasussaataaaffeqaralaruni, soorlu nakorsat peqqissaasullu inatsisik-kut allatigut nipangersimasussaataitasut.

Nalunaaruteqarnissamut pisussaaffik sakkortunerusoq inuttut ataasiakkaatut pisussaaf-fiuvoq. Ima paasineqassaaq, sulisoq akisussaaffeqartoq ernumanernimit qisuariassal-luni, meeraq inuusuttorluunniit ikiorneqarnissamik pisariaqartitsisoq pillugu ilisi-masaqalersimaguni. Taamaalilluni sulisuusq inuttut ataasiakkaatut pisussaaffeqarpoq kommunimi isumaginninnermi ingerlatsivimmu paasissutissanik ingerlatitseqqiissalluni meeqqamut inuusuttumulluunniit ataasiakkaamut ernumassuteqaruni.

### **Akuersissut**

Paasissutissanik isertuussanik ingerlatitseqqiisoqartuaannarsinnaavoq inuk pineqartoq ersarissumik atsiornikkullu piginnaatitsilluni akuersisimappat. Piginnaatitsilluni akuersissut qaqugukkulluunniit atorunnaarsillugu utertinneqarsinnaavoq.

Meeraq 18-it inorlugit ukiulik, taassumalu atugarisai pineqarpata, tunngaviatigut angajoqqaatut oqartussaasoq meeraq inuusuttorluunniit sinnerlugu akuersisinnaavoq.

Meeqqap inerisimassusaa suliallu imarisaa tunngavigalugit nalilersueqqissaartoqassaaq qaqugukkut meeqqap akuersissuteqarsinnaanera pillugu. Tamannali angajoqqaatut oqartussaasup akuerinngippagu ataqineqassaaq, tamanna meeqqap inuusuttulluunniit soqutigisaannut akerliunngippat.

### **Paasissutissanik paarlaasseqatigiinneq pitsaaliuinermi siusissukkullu suliniarnermi.**

Sulisut tunngaviatigut angajoqqaatut oqartussaasunit paasissutissanik paarlaasseqatigiissinnaanermut akuersissummik pissarsiniartuassapput.

Pisuni akuersissummik pissarsinissaq anguneqarsimatinnagu, imaluunniit naleqqussorinangippat, soorlu angajoqqaat suleqataarusunnginnerat pissutigalugu imaluunniit angajoqqaat meeqqamut pitsaanagerusussaq tunngavigalugu iliuseqanngiffiini, *naleqartitanik qaangiinermik aalajangersagaq*, sullissinermi sulianullu inunntut ataasiakkaanut tunngasuni, malittarisassaq atuutissaaq, meeqqap ilaqutariillu inuttut atugarisaat pillugit paasissutissanik ingerlatitseqqiinissamut piginnaatitsisoq.

Taamatuttaaq meeqqat tapersorsorneqarnissannut nalunaarutissatut suliarineqarsimasumi (piginnaatitsinerit pillugit nalunaarut) kap. 4 paasissutissanik paarlaasseqatigiissinnaanermut piginnaatitsivoq, siusissukkut pitsaaliuinermilluunniit suliaqarnermi.

Paasissutissanik paarlaasseqatigiissinnaaneq taamatuttaaq pisinnaavoq perorsaanikkut tarnillu pissusiinik siunnersuisarfiup, atuarfiup, atuarernerup kingorna sammisassaqartitsiviup, peqqissaasut, meeqqerisut, nakorsat, kigutit nakorsaat, meeqqeriviit, sunngiffimmi sammisassaqartitsisut allallu oqartussaasut susassaqarfimmi suliaqartut akornanni. Suliffeqarfiit imminut pigisut suliffeqarfiilluunniit namminersortut, taamatullu friskolit uani aamma pineqarput.

Paasissutissanik paarlaasseqatigiinnissamut piunasaqaat atuutissaaq "*meeqqamut innarliisoqarsinnaanera pitsaaliorniarlugu suliniarnermi*" takuuk pisussaaffiit pillugit nalunaarutissatut suliarineqarsimasoq § 14.

Piginnaatitsinerit pillugit nalunaarutissatut qulaani taaneqartumi kapitali 4-mi piginnaatitsisoqarpoq Meeqqat tapersorsorneqarnissaannut Inatsisartut Inatsisissaattut siunnersuummit § 43 imm. 4 tunngavigalugu.

### **Inerniliineq.**

Qulaani nassuiaatit tunngavigalugit pitsaaliuinermit suliaqarnermi maanna periarfissaa-reerpoq paasissutissanik paarlaasseqatigiissinnaaneq, taamatuttaaq meeqqanut inu-usuttunullu suliani ataasiakkaani, siusissukkut iliuseqarnerni, pisortat ingerlatsineranni suliaqat suliarineqartarnerat pillugu inatsit kiisalu Inunnik paasissutissanik suliarinnit-tarneq pillugu inatsit tunngavigalugit.

Pitsaaliuinermit suliaqartut akornanni ersarissanissaq anguniarlugu, tassuunalu meeqqat inatsisitigut illersugaanerat nukittorsarniarlugu nutaamik immikkut ittumik, Meeqqat tapersersorneqarnissaannut Inatsisartut inatsisissatut siunnersuummi paasis-sutissanik paarlaasseqatigiinneq pillugu aalajangersakkamik ikkussisoqarsinnaavoq siu-sissukkut imaluunniit pitsaaliuinermit suliaqarfimmi.

Inussiarnersumik inuulluaqqusillunga

Med venlig hilsen



Sara Olsvig